

Bosna i Hercegovina
Federacija Bosne i Hercegovine
TUZLANSKI KANTON

KANTONALNI SUD U TUZLI

Broj: 003-0-Su-20-000 729
Datum, 09. decembar 2020. godine

Na osnovu člana 69. stav (3), člana 70. stav (1), (2), (4), (6) i člana 71. Zakona o javnim nabavkama ("Službeni glasnik BiH", broj 39/14), a u vezi člana 8. stav 1. tačka j) Pravilnika o unutrašnjem sudskom poslovanju ("Službeni glasnik BiH", broj 66/12 i 40/14), predsjednik Kantonalnog suda u Tuzli donosi

O D L U K U
o poništenju postupka javne nabavke

Član 1.

Poništava se postupak javne nabavke roba – nabavka namještaja u Kantonalnom sudu u Tuzli sa ugradnjom objavljenog na portalu javnih nabavki broj: 622-7-1-23/20 dana 23. novembra 2020. godine.

Član 2.

Ova Odluka će se objaviti na Internet stranici suda u skladu sa članom 70. stav 6. Zakona o javnim nabavkama.

Ovu Odluku dostaviti ponuđačima koji su blagovremeno dostavili ponudu i time ih obavjestiti o rezultatima postupka navedenih u Odluci.

Obrazloženje

Postupak javne nabavke roba- namještaja u Kantonalnom sudu u Tuzli sa ugradnjom putem konkurentskog zahtjeva pokrenut je Odlukom broj: 003 –0–Su-20-000 729 od 18.11.2020. godine i imenovanju Komisije za nabavku broj: 003-0- Su-20-000 729 od 23.11.2020. godine.

Ugovorni organ je dana 23.11.2020. godine objavio obavještenje o nabavci broj: 622-7-1-23/20 na web stranici www.ejn.go.ba.

Ponude su blagovremeno dostavili sljedeći ponuđači sa cijenama iz ponuda:

1. HAFELE BH D.O.O. GRAČANICA9.415,00 KM bez PDV-a.
2. OR KARAHODŽIĆ NAMJEŠTAJ, KALESIJA.....9.674,00 KM bez PDV-a.
3. „COSPEX“ D.O.O. ZENICA.....8.547,00 KM bez PDV-a
4. INTER-COM D.O.O. ZENICA.....9.310,00 KM bez PDV-a

Komsija za nabavku izvršila je otvaranje, pregled i ocjenu primljenih ponuda i ustanovila da sve zaprimljene ponude ponuđača ispunjavaju sve

zahtjeve tražene tenderom, a da je uz ponudu ponuđača INTER-COM D.O.O. Zenica dostavio Potvrdu Vanjskotrgovinske komore BiH o primjeni preferencijalnog tretmana.

Nakon što je Ugovorni organ ocijenio da pristigle ponude ispunjavaju zahtjeve tražene tenderskom dokumentacijom, zakazana je e-aukcija za dan 08.12.2020. godine.

Komisija za na nabavku je nakon održane e-aukcije utvrdila da ponuda ponuđača **INTER-COM D.O.O. Zenica** ispunjava sve zahtjeve tražene tenderom i da je ista uz primjenu preferencijalnog tretmana najniža ponuda te da bi ugovorni organ slijedom toga, ugovor o javnoj nabavci roba-namještaja za sudijske kancelarije sa ugradnjom trebao dodijeliti **INTER-COM D.O.O. Zenica**.

Međutim i pored toga što ponuda ponuđača INTER-COM D.O.O. Zenica ispunjava sve tenderom propisane zahtjeve i što je uz primjenu preferencijalnog tretmana, u odnosu na druge ponude, ponuda sa najnižom cijenom, cijena koju bi ugovorni organ platio ponuđaču INTER-COM D.O.O. Zenica premašuje iznos osiguranih sredstava za predmetnu nabavku.

Osigurana sredstva za predmetnu nabavku iznose **8.547,10** bez PDV-a, a prema ponudi ponuđača **INTER-COM D.O.O. Zenica**, potpisivanjem ugovora sa navedenim ponuđačem nastala bi obaveza ugovornom organu na isplatu cijene u iznosu od **9.310,00 KM**.

U skladu sa naprijed navedenim, Komisija za nabavku je na osnovu ukupne cijene najprihvatljive ponude, predložila da se navedeni postupak u skladu sa članom 69. stav. (3) kojim je propisano da ugovorni organ može otkazati postupak javne nabavke samo zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke, a u vezi sa članom 70. stav (1), (2), (4), (6) Zakona o javnim nabavkama („Službeni glasnik BiH“, br. 39/14) poništi jer ugovorni organ nije mogao predvidjeti da će ponuda ponuđača uz primjenu preferencijalnog tretmana i nakon održane e-aukcije biti ponuda sa najnižom cijenom, kao kriterija za dodjelu ugovora, ali i kao takva ponuda sa cijenom koja prelazi procijenjenu vrijednost predmetne nabavke za čiju nabavku su osigurana sredstava na ime kapitalnih izdataka.

Imajući u vidu sve naprijed navedeno, odlučeno je kao u dispozitivu Odluke.

Pouka o pravnom lijeku: Protiv ove Odluke može se izjaviti žalba ugovornom organu Kantonalni sud u Tuzli, u roku od 10 dana od dana prijema ove Odluke.

Dostaviti:

1. INTER-COM D.O.O. ZENICA
2. COSPEX⁴ D.O.O. ZENICA
3. OR KARAHODŽIĆ NAMJEŠTAJ, KALESIJA
4. HAFELE BH D.O.O. GRAČANICA
5. Su.arhiva

PREDSJEDNIK SUDA

Indira Hadžimehmedović

